

ملخص قواعد

اللغة المصري

اللي بيسموها "عامية"

سامي حرك

الترجمة الإنجليزية: لينا جرجس

أول طبعة
6265/ 2024

قواعد

اللغة المصري

اللي يسموها "عامية"

سامي حرك

لينا جرجس

الترجمة الإنجليزي

First edition أول طبعة - 6265 / 2024

اسم الكتاب: ملخص قواعد اللغة المصري

المؤلف: سامي حرك

رقم الإيداع: 2024 / 25911

تصميم الغلاف والتنسيق: صفا حرك

الترجمة: لينا جرجس

حقوق النشر للمؤلف سامي حرك

01286175455 / 01016290785

[samy.harak.9@facebook.com](https://www.facebook.com/samy.harak.9)

samy7arak@gmail.com

مقدمة





بتشرف بتقديم ملخص لقواعد اللغة المصري، عشان تنفع لأي مصري عايز يعرف قواعد كلامه، أو حتا يتأكد إن كلام المصريين دلوقتي عبارة عن لغة كاملة امتداد للغة المصرية القديمة، ولها قواعد خاصة بيها، ولها لهجات (قبلي وبحري وقاهري .. نلخ)، وإن اللهجات دي كلها ملتزمة بنفس القواعد المصري، والخلاف بينهم وبين بعض بس ف تصريف بعض الكلام، زي أي لهجات لأي لغة!

يعني كلام المصريين الحالي مش مجرد رطانة عشوائي، ولا هيه لهجة من العربي!

اللغة العربي حاجة، واللغة المصري حاجة تانية!

وبالمناسبة اللغة دي معترف بيها عالمستوا الدولي، ولها تسجيل (أيزو 369-2007-3)، دا غير إن الأغاني والمسرحيات والحوار في الأفلام والمسلسلات وكلام الناس في البيوت والشوارع والمصالح الحكومية كله

بنفس **اللغة** المصري، وإن استخدام اللغة العربية يادوب
في الكتابة الرسمية بس!

البلد	 مصر	ISO 639-3	arz
غناء	شاديه	لغه رسميه فى	 مصر [1]
اللغه	مصرى	الاسم الاصلى	(بالعربى: اللهجة المصرّية)
انتاج	1963	السكان الاصليين لـ	 مصر
الملحن	محمد عبد الوهاب	نظام الكتابه	 كتابه عربى
المؤلف	حسين السيد		

يعني الكتيب ده ينفع للأجانب اللي عايزين يتعلمو **اللغة**
المصري، وكمان المصريين نفسهم، لأن فيه ناس يقولو إن
كلام المصريين الحالي (العامية) ملوش قواعد، رغم إن
شرح القواعد دي موجود من بدري أوي، صحيح الدعوة
لإصلاح وإستقلال لغة المصريين وخصوصيتها كتب عنه
قاسم أمين رئيس الجامعة المصرية وكان أستاذ الجيل
أحمد لطفي السيد كتب عنها سلسلة مقالات بعنوان
"مشخصاتي الأمة"، وشيخ القضاة عبغزيز باشا فهمي
والكاتب والمفكر سلامة موسى، وغيرهم، حتا إن وزير

المعارف طاها حسين سماها "لغتنا الطبيعية"، وكتب بها
عدد من المقالات في جريدة الجمهورية سنة 1959!

إنما الشرح المتخصص لقواعدها بدأ مع كتابات اللغوي
الكبير "إبراهيم أنيس" ف رسالة دكتوراة - لندن 1950،
والأديب الشاعر "بدر نشأت" ف دراسة بعنوان: "لغة
الفكر والحياة" جريدة الجمهورية 1959 + مجلة مصرية
1986 + مجلة القاهرة 1996، والمترجم الصحفي بيومي
قنديل، كتب عنها مقال كبير بعنوان: "حاضر الثقافة في
مصر" ف مجلة مصرية 1986 + طوره وطبعه مستقل ف
كتيب 1990 + واتحول ل كتاب 1997 + طبعة رابعة
2008، والكاتب والمؤرخ عبعزيز جمال الدين، بارضو
كتب مقال كبير بعنوان: "لغتنا المصرية المعاصرة"، نشره
ف مجلة مصرية اللي بيرأس تحريرها 1999 + اتحول المقال
ل كتيب مستقل 2011، وباحث الفلكلور المصري
عصام ستاتي، له كتاب كبير شرح فيه بعض القواعد
وعدد هايل من الألفاظ المتطورة عن مرحلة الحرف

القبطي بعنوان: "اللغة المصرية الحالية"، صادر عن هيئة
قصور الثقافة 2016، وغيرهم.

ملحوظة: كتابة اللغة المصري بالحرف النبطي العربي،
معناها استبعاد الحرف "ث"، واستبداله حسب سياق
الكلام، بالسین (حديث / حادثة / أمسال) أو الته
(تعلب / تلاجة / توم)، أو الصاد (صقة / صقافة /
صرصرة)، كان إحنا مش متقيدین بقواعد العربي ف
الكتابة، يعني الألف المقدرة -الي عندها عذر شرعي
يمنعها م الظهور- ف العربي الي بتنكب (ی)، زي
(موسی / عیسی / یحیی / علی / بقی) مش هنلتزم بيها
وهنكتبها ونبينها بطبيعتها بالألف الواضحة الظاهرة، زي
ما بتتطق (موسا / عيسا / يحيا / علا / بقا .. الخ)!

عالموم، الي بيكتب بلغة ييلتزم بقواعدها، عشان كده
مادام بنكتب باللغة المصري يبقى لازم نلتزم بقواعد
المصري بس، مهما كانت الكتابة بحروف أجنبي، نبطي

أو لاتيني، أو غيرهم، لأن الحروف مجرد وسيلة لتسجيل اللغة (بقواعدها وألفاظها)!

ياريت بقا الكتيب ده اللي بيلخص جرامر (قواعد) كلامنا المصري، يخلي المتعلمين المصريين اللي لسة فاكرين انهم بيتكلمو عربي، يبطلو الجملة بتاعت "إحنا مصريين بس بنتكلم عربي!" ده كلام مش صح بالمرة، والصحيح إننا: مصريين وبتكلم مصري، لازم الجماعة المصنفين (المثقفين) إياهم دول، يفرقو بين النطق الطبيعي والنطق الإصطناعي، أي لغة بتتعلم تتكلمها ف المدرسة، يبقا كلامك بها نطق صناعي، زي الإنجليزي والعربي والفرنساوي، النطق الطبيعي بس ل اللغة المصري، اللي بترضعها مع لبن الأم، كناية عن التكوين خلال ثلاث أربع سنين قبل دخول المدرسة، اسمها لغة الأم، اللغة اللي بتعبر عن غضبك بيها، وبتفكر وبتحلم وبتحب بيها!

الهوم، برمودة 6265 مصري، أبريل 2024 ميلادي

القواعد دي عبارة عن تلخيص واختصار، من القواعد المشروحة ف كتاب #بنتكلم-مصري، اللي صدر سنة 2017، وبقا من 3 أجزاء - لنفس المؤلف: سامي حرك (2017 / 2022 / 2023).

1. مفياش إعراب

يعني مفياش لا تشكىل ولا تنوین، ولا حتا تنقیط لو انکتبت بحروف غیر العربی! مفیش مصری بیغلط فیها، أقصد ف الكلام بیها، إنما الکتابه وارد تكون بحروف مختلفه، لاتینی أو نبطی، وبتتالی ممکن أي حد یغلط ف الکتابه!

2. لغة تحليلية

اللغة التحلیلیة (المصری) عکس اللغة التركیبة (العربی)! اللغة التحلیلیة، لغة بسیطة، بتحدّد وظیفه الکلمه حسب مکانها، ولو اتغیر المکان بتتغیر الوظیفه!

تمرين: سعيد ساعد سعد / سعد ساعد سعيد.

تغيير مكان إسم سعيد وإسم سعد، يغير وظيفتهم.
من فاعل لمفعول، بالنسبة لـ "سعيد".
ومن مفعول لفاعل، بالنسبة لـ سعد".

3. تميل للتبسيط:

اللغة المصري، بتختصر القواعد لأقل عدد ممكن،
هنلاحظ ده ف دراسة القواعد، ولو قارناها بقواعد أي
لغة ثانية، شرقية أو غربية، هنلاقي عدد قواعدها أقل
وأبسط، نفس الحكاية ف الألفاظ والأدوات بتختار
الأخف والأبسط للتعبير!

تمرين:

جملة باللغة العربي: ذهبت سعاد الى السوق.
نفس الجملة باللغة المصري: سعاد راحت السوق (السوج).
ف المقارنة بين الجملتين، هنشوف بعض مظاهر التبسيط ف
الترجمة للمصري:

- استبعاد المصري للفعل العربي الثقيل "ذهبت"، واستبداله بالفعل المصري "راحت"!
- استبعاد حروف الجر (لأن مفيش حروف جر ف المصري، كل الحروف للربط والوصل).
- تصريف القاف -المجهورة المرهقة ل اللسان- بالهمزة أو الجيم!

4. فيها كلام من حرف واحد ومن حرفين:

يعني دي خصوصية ل اللغة المصري، رغم إنها مش كثير، إنما موجودة، زي حرف الآه (أ) اللي بتبدأ بيه حروف الهيروجليفيه، بنلاقيها لسة موجودة بنفس الوظيفة ف جملة الجواب، ومن حرفين زي كلمة "يم"، يم الترفة/ يم الساقية .. نلح!

5. جملة بسيطة، وجملة متركة:

الجملة البسيطة اللي مفياش تكرار للبتبدأ ولا الخبر ولا الفعل ولا الفاعل: البت حلوة أوي/ الواد أمور خالص.

والجملـة المتركة الـي فـيها تكرار، يعنـي جـواها جملـتين أو أكـثر
ف نفس الجملـة:

معمـلتش الواجب لـيه؟ خـلي بـتوع الكورة ينفـعوك، وابـقا
قابـلني لو فـلحت!

6. بتعتمد عـاالجملـة الإسمـية:

أهم مـيزة لـ اللغة المـصري، إنـها بتـعلي من قـيمة الإسم
(الفاعل) ف تـكوين جملـتها، ومـصدر كـلامها (عـكس
العـربي الـي بـيعتمد عـاالجملـة الفـعليـة، والمـصدر من الفـعل).
-بالعـربي: ذهبت سعاد إـلى السـوق.

-بالمـصري: سعاد راحـت السـوء (السـوج).
الترجمة الفـورية من أي مـصري، بتـحول الجملـة الفـعليـة
(بتبـدأ بفـعل) لـجملـة إسمـية (بتبـدأ بفـاعـل)!

7. المـصدر إسم:

المـصدر هو أـصل وجـدر الكـلمة من اللغة المـصريـة القـديمـة،
وبـيتصـرف من الإسم المـصدر عـدد من التـصاريـف ف
صـورة الفـعل والفاعل والمفعول والصفة والأدوات!

-رفع (نبيل / مقام عالي) .. يرفع / ترفع / أرفع / رافع /
رافعة / مرفوع / رفاة .. نخ!

-حسبة (عملية حسابية) .. حسب / تحسب / أحسب /
حاسب / محسوب / حساب .. نخ!

8. الأدوات والضمائر، مفرد أو جمع:

الأدوات هيه اللي بتربط الكلام ف الجملة، زي أدوات
الوصل والعطف والتبشير والسؤال والتحديد .. نخ،
بنلاحظ إن الأدوات كلها ممكن تبقا مفرد أو جمع،
ومفيش فيها حالة المجوز، اللي اسمه بالعربي:
"موسنا/ مثنا/ مثني".

يعني ف أدوات التحديد بنقول: البنت دي / البنات دول.
وف الضمائر بنقول: انتا شاطر / انتو شطار.

9. جمع واوي، (و) ف آخر الكلمة:

سلامو عليكمو / ازيكو / اتفضلو.

10. جمع واوي، (و) ثاني حرف ف الكلمة:

قواضي / سواقي / نواحي.

11. جمع وياوي، (وي) ف آخر الكلمة:
حكاوي/ قهاوي/ غناوي.
12. جمع هيمي، (هـ) ف آخر الكلمة:
دوريه/ جمعيه/ حراميه.
13. جمع تيتي، (ت) ف آخر الكلمة
بنات/ ستات/ شنبات/ فتوات.
14. جمع ييني، (ين)، ف آخر الكلمة:
حلوين/ كويسين/ مدرسين.
15. جمع آني (ان) ف آخر الكلمة:
صبيان/ عصيان/ حرقان.
16. تذكير جمع المؤنث، وتأنيس جمع المذكر:
راجل/ رجالة - شجرة/ شجر.
17. جمع مبالغة:
لعيب/ لعبة - أكل/ أكلة - شريب/ شريبة.
18. جمع بالتكرار:
حتة/ حت - قطة/ قطط - حصة/ حصص.

19. بمجبة الأسمي والتحيات:

صباح الخير والفل والورد .. نخ.

20. الماضي المستمر، مع إن:

مع البداية "إن" ف أول الفعل: إنكسفو/ إنكشفو/ إنزاحو.

21. الماضي المستمر، مع (إت):

مع البداية "إت" ف أول الفعل: إتوهم/ إتوكس/
إتكبس/ إتصرف/ إتفضل .. نخ.

22. الحاضر المستمر، مع (ب):

مع البداية "ب" ف أول الفعل: باكل/ بشرب/ بكتب.

23. تحويل الحاضر المستمر لماضي مستمر:

بإضافة "كان/ كئا/ كانوا"

كان بياكل/ كئا بناكل/ كانوا بياكلو.

24. أفعال مساعدة:

"قام/ بقا/ راح"

بقا عايز تنساني - قامت رايحة السوق - راح جاي بسرعة.

25. أفعال مترتبة:

- أي فعل منضاف له بداية أو نهاية، يبقى فعل متركب.
البداية (سابقة/ فاتحة) - النهاية (لاحقة/ خاتمة).
-البداية "ب" ف الحاضر المستمر: يكتب.
-النهاية "و" ف الجمع: يتحاسبو.

26. أفعال مضمومة:

- أو أفعال ملزوقة، يعني فعلين مضمومين ف كلمة واحدة!
باع + عزق = بعزق
نخر + خرب = نخرب
خطا + خرف = خطرف

27. النفي بأداتين:

- ما+الكلمة+ش: محصلش / مجاش / مكتبش.

28. النفي بأداة واحدة (مش):

- بتيجي ف أول الجملة: مش رايح / مش حاب / مش كويس.

29. النفي بأدوات عامة مترتبة:

- "مفيش / بلاش / ملوش"

مفیش اکل / بلاش لعب / ملوش لازمة.

30. أدوات الإضافة:

"بتاع / أم / أبو / أمات"

السواق بتاع العربية/ البت أم فيونكة/ الواد أبو جزمة
مقطوعة/ العيال أمات دقون.

31. أدوات مقارنة:

"اشمعنا/ وللا/ ایش"

اشمعنا سمير خد الكبيرة/ أنا وللا هيه/ إيش جاب لجاب.

32. التفضيل مع الهمزة:

أحسن / أشر / أطول / أعلا / أطول / أشهر.

33. التفضيل مع "واللا":

تشوف الماتش، والا المسلسل.

34. التفضيل بالتكرار والجمع (صيغ مبالغة خاصة):

بحق وحقيق / بصرح وصحيح / حلو حلاوة / جميل جمال /

طعم طعامه/ شقي شقاوة/ لطيف لطافة/ بايخ بواخة/

سَخِيف سَخَافَة / رَزَل رِزَالَة / لَذِيذ لَذَاذَة .. نَخ.

35. أدوات تخيير:

يا/ أو/ واللا: يا تجيني يا تقولني أروحك/ أو اسمع أما أقولك/ حاضر واللا غايب.

36. أداة الوصل (الي):

أداة واحدة، لكل الحالات (مذكر/ مؤنس/ جمع) ف جملة الوصل: الواد الي/ البت الي/ الناس الي!

37. جملة الوصل المستمر:

بإضافة ميم للموصول: الي متكلمين عليها/ الي مسلمين عليه/ الي مطنشين كلامه.

38. وصل المجموع بالميم، من غير الي:

من غير أداة الوصل "الي" ممكن يتحقق الوصل للجمع بمجرد إضافة البداية "م": مكلمين/ مروحين/ منورين/ معدين/ مستنين.

39. أدوات تخصيص:

إلا/ غير: إلا عيونك إتنا/ مفيش غيرك يفرحني.

40. أدوات غموض وتقفيل اعتراضى:

"أي: أي حاجة؟ أي خدمة؟ أي ملحوظة؟ أي كلمة؟
"أحأ/ أحيه/ أحوه/ إشو": يا نخي أحأ/ اشو يا نختي!

41. الحلفان بالواو (و):

والمصحف/ والمسيح/ ورحمة أمي/ ورحمة أبويا/ والنعمة/
وحياة ولادي/ والعيش والملح.

42. أدوات تحديد (إشارة):

دا/ ده/ دي/ دول/ دولة/ دولت/ دولم/ دوكلها/
دوكلهمه

-ف آخر الجملة (لو أداة التحديد لوحدها):

الواد ده/ البت دي/ العيال دول/ الجماعة دوله/ الفلوس
دولم/ مش دوكلها ولا دوكلهمه.

-ف أول الجملة (لو مع أداة التحديد أي أداة ثانية):

دا أنا غلبان/ دول كانو حباينا.

-جملة السؤال حرة ف مكان أداة التحديد:

مين انتا؟ انتا مين؟

43. تكرر أدوات التحديد للتأكيد:

ده شغل ده؟ دول ناس دول؟ دي كورة دي؟

44. سؤال الإستفهام:

"إززاي؟ إيه؟ إيش؟"

إززاي إززاي إززاي، أوصفك يا حبيبي إززاي؟ / إيه

الناس الحلوة دي؟ / إيش يعني؟

45. سؤال عن السبب:

"ليه؟" : ليه خلتنى أحبك؟

46. سؤال عن الوقت:

"إمتا؟/ "ميتا/ كام""

إمتا هتعرف إمتا؟ إني بحبك إمتا؟ ميتا هشوفك؟ الساعة
كام؟

47. سؤال عن المكان:

"فين؟/ منين؟"

فين قلبي؟ فين قلبي يا ناس؟ / منين أجيب ناس لمعانة
الكلام يتلوه؟

48. سؤال عن القيمة:

"كام؟ بكام؟": كام مرة؟ / بكام الورد يا معلم؟

49. سؤال عن إنسان:

"مين؟": مين حبيب بابا؟

50. سؤال عن حاجة ضايعة:

"نهو؟ إنهو؟ نهون؟ نهين؟ نهيه؟ أنهي؟ أنهو؟"

النادي نهو/ النادي نهون - الكلية نهين/ الكلية نهيه -
الكرسي أنهي/ الأتوبيس أنهو.

51. سؤال بالصيغة:

سؤال صيغة، يعني مجرد صيغة الكلام تدل عالسؤال، من
غير أدوات يعني، زي :

"كلت؟ شربت؟ ذاكرت؟ روت؟/ جيت؟"

52. سؤال الظرف:

سؤال ظرف، يعني فيه أداة ربط أو وصل مع أداة السؤال:
مين اللي بيتكلم؟ / اللي بيتكلم مين؟

53. أدوات الجواب:

طا/ آي/ آه/ أيوه/ إيواه/ أيون"

أيوه جاااي / آه يا لالالي يا عيني يا يالالالي

54. أدوات الرأي:

أظن/ بقول/ أعتقد/ رأيي/ أنا شايف.

55. أداة صقة (ثقة) مستمرة:

"تملي"/ دايمن: تملي (دايمن) معاك/ تملي ف قلبي يا حبيبي.

56. أدوات احتمال:

"يمكن/ ينكن/ ربما/ ربتن/ إنما": يمكن خير!

57. أدوات شبه:

"زي/ أد": زي الهوا يا حبيبي / بحبك أد الدنيا.

58. أدوات مطابقة واستمرار:

"برضو/ برضك/ برضيك/ برضيكى":

- حضرتك مصممة برضو؟

59. أدوات كالة:

"كان / لسه": هنغني كان وكان / كان شويه / لسه جاي
دلوقتي / لسه فاكر؟ كان زمان.

60. أدوات تأكيد:

"أومال / تمام / حاضر / أكيد / مؤكد / أوي"
أومال طبعن / احنا جامدين أوي.

61. نون التوكيد (التأكيد):

"شوكرن / تمامن / فعلن / جدن / فورن / بتاتن"
كتابة نون التوكيد ضروري ف اللغة المصري، لأنها قاعدة،
مش مجرد علامة زي العربي!

62. أدوات تسبيب وتبرير:

"إكمن / عشان / علشان":

إكمنك حلو / عشان خارجين / علشان مليش غيرك.

63. أدوات نسب:

"بتاع / ابن / بنت / أبو / أم / جوز / مرات / عم / خال /
جد / ست / حما / حمات / سلف / سلفة"

يا بتاع النعناع يا منعنع / ابن الحلال / بنت الناس
الطيبين / أبو شامة وعلامة / أم النور.

64. الوصف الحر:

يمكن الصفة تتبع الموصوف وممكن متبعوش.
-صفة بتتبع الموصوف: واد أمور/ بت حلوة
-صفة مبتبعش الموصوف: مستشفاف نضيف / بنطلون تحفة

65. الوصف المتحدد:

الوصف المتحدد، يعني له طريقة واحدة متحددة، الصفة
مش ممكن تتبع الموصوف، وده يحصل ف الجملة اللي فيها
أداة إضافة "بتاع"، ظاهرة أو مخفية.
اللغة المصري/ مدرسة الإنجليزي .. اللغة بتاعت
المصري/ المدرسة بتاعت الإنجليزي.

66. أدوات نده (ندا):

ها/ يا/ أ/ عاد/ يالالا.

67. أدوات نجدة (نجدا):

جااي/ الحقوني/ غيتوني/ يا خراي/ يا شتاتي/ يا دهوتي.

68. أدوات تبشير:

"حا/ ها/ عا": حكتب/ هكتب/ عكتب.

69. أدوات كفاية:

"بس/ خلاص/ خالص/ أبدن/ كفاية"

تلاتة بس / يعني افترقنا خلاص / الحساب خالص.

70. أدوات تنبيه (تحذير):

"إياك / ياك/ إوعا/ حاسب/ خلي بالك":

ياك اسمع صوتك / إوعا تكلمني، بابا جاي ورانا / حاسب

علا كلامك / حاسب لتقع/ خلي بالك م اللي جمبك/

خلي بالك من جيرانك.

71. أدوات ترجية:

"ياريت/ بلاش/ بزيادة/ عاد/ بزيادة عاد": ياريت تشرفونا

/ بلاش تبوسني في عينيا / كده زيادة، وبزيادة عاد.

72. أدوات تمني:

"ياريت/ لو/ إن":

ياريتك معايا يا حبيبي / لو حكينا يا حبيبي، نبتدي منين
الحكاية/ إن كنت ناسي أفكرك.

73. أسلوب الأمر بالأداة "ما":

(ماتقرالك كلمتين ينفعوك/ ماتسمع الكلام بقا/ ماتبطل
رغي بقا)

74. أدوات دلالة (استدلال):

"كده/ كدا/ أهوه/ أهه/ كدهوه/ كدهون/ كدهوت":
- الحب كده.

75. أدوات شكر:

"براوة/ كويس/ شوكرن/ متشكرين"
أما براوة عليك واللهي/ كويس أوي/ شوكرن يا حبيبي/
متشكرين خالص.

76. أدوات زيادة:

"تمن/ جدن/ أوي/ خالص/ ياما"

اللمة والعيلة كلها هنا، تمن!

متشكر جدن/ بحبك أوي/ كتير خالص/ ياما عيون

77. التعبير عن الزيادة بالتكرار:

رشرش / رطرط / لكلك / فتفت / بلبل .


78. أدوات استعجال:

ياللا/ أوام

ياللا تعالا أوام ياللا، إتنا واحشني كثير والله

79. الدلع عالوزن سجوم:

"جمول/ عسول/ شطور/ أمور/ طيوب"



-الوزن "سجم" فعل الإنسجام

من اللغة المصرية القديمة،

بنستخدمه لوزن التصاريف.

80. الدلع ع الوزن سجومه:

عدولة/ عطوفة/ سمسومة/ صلوحة/ عبودة.

81. دلع ديني ع الوزن سجومه:

زنوبة/ عيوشة/ خدوجة/ مريومة/ فطومة/ برهومة.

82. دلع الأسامي بمعاني من اللغة المصري:
حمو - درش - سمس / أس أس - شوشو - حمص -
حماصة - صاها - ظاظا - دودو - زوزو - سوسو - فوفو
.. نلخ.

83. دلع بأداة الإستعجاب والإستحسان "يا":
يا حلاوتك يا جمالك/ يا دي الليلة الهنا/ يا واحشني بالأوي.

84. صيغة المبالغة للفرد، عالوزن "سجيم":
تضعيف ثاني حرف "أككيل / شرريب / لعيب / كسسيب".

85. صيغة المبالغة للجمع، بالوزن "سجيمة":
مع تضعيف ثاني حرف "أككيلة / شررية / لعيبة / كسسية".

86. الشتيمة بأسامي الحيوانات:
كلب / حمار / لبوة / تيس / خروف / معزة .. نلخ.

87. الشتيمة بأسامي الحاجات:
لوح / حيطه / ترباس / منشار / زباله / زلطة / جزمة .. نلخ.

88. الشتيمة بأوصاف عيب:
عرص / بقف / بجم / خول / سخيف / علق.

89. الشتيمة بأعضاء من الجسم:
كس-أملك.

90. من أشهر الشتائم:
ابن الكلب / بنت الكلب / ولاد الكلب.
91. أدوات وجع:
آه / آي / أي / أوه.

92. تريأة وسخرية بتقليد الحركات
93. تريأة وسخرية بتقليد الأصوات
94. تريأة وسخرية بالتشبيه:
نفيخة / بومبة / عجلة / إبرة / قشبرة .. نخ.
95. أدوات استعجاب واستحسان:
"ياما / يا / ياه / يوه"

كان ياما كان / يا عالم ياهوه / ياه عالطعمة / يوه مقدرش .
96. أدوات عتاب:
"ياللي / بقا / يعني خلاص"
ياللي ناسيني / بقا عايز تنساني / يعني خلاص نسيت.

97. أدوات أسف:

"أسف / معلهش"

أسف يا فندم / احنا متأسفين / معلهش حقك عليا

98. أدوات شرط:

"إن / ما / إنما": إن معملتش الواجب، مفيش فسحة / ما

تقوم بقا عشان نلعب / إنما تيجي ومتسلمش يبقا غلط.

99. تعابير شرط:

متكلمش قبل مايتكلم أبوك / محدش يفطر، قبل مايسمع

المدفع / مبلاش اللون ده معانا.

100. أدوات متابعة واستمرار:

"طيب / طب / طه / بس / إنما": طيب، يا صبر طيب /

طب استناني شوية / طه، جاي حالن / بس اسمع / إنما

للصبر حدود.

101. أدوات تصبير:

"استنا / اصبر / صون": استناني استناني استناني، هيه دقيقة

كثيرة عشاني / اصبر عالأك كل يستوي / صون شوية.

102. أدوات ظرف المكان:

فوق / تحت / علا / ورا / قدام / جنب / جوه / بره / هنا /
هناك / قبل / بعد / معا.

103. أدوات ظرف الزمان:

ليل / مسا / صبح / نهار / سانية / دقيقة / ساعة / يوم /
أسبوع / شهر / سنة / معا.

104. الظرف الوصفي:

أداة ربط مع الظرف "من فوق / من تحت - علا هنا /
علا هناك"

105. التعريف بالأدوات:

أ / إ / أل.

106. تعريف بالسياق:

من غير أدوات تعريف: "فلاح كان فايت".

107. أدوات متركبة "حاكم" "دلوقتي" "معلش":

حاكم الزهور زي الستات.

حاكم (حا+كم), دلوقتي (دي+الوقت+ي), معلش
(ما+عليه+ش)

108. التضعيف بتكرار الحرف:

تكرار الحرف المتكرر ف الكتابة، عشان يبقا المنطوق تمام
زي المكتوب:

ضرب - فهم - شرب - حريف - صريف.

109. ضمائر حرة:

"أنا/ إنتا/ انتي/ انتو/ احنا/ هو/ هيه/ هوما/ أهوم/
أهوما/ أهومت/ أهومن"

أنا زي ما أنا / إنتا الحب / إنتي روجي / إنتو منورين /
إحنا المصريين / هوه إفتكرني عشان ينساني؟ / هيه الدنيا
جرا فيها إيه؟ / هوما اللي قالولي / ناس من بلدنا هناك
أهوم، روح يا إبراهيم إندهلهم / المصريين أهوما، حيوية
وعزم وقوة.

110. ضمائر مربوطة:

"ي/ك/هـ/ها/هم/كم/نا"

يببقا الضمير ف نهاية الكلمة: كلمني / كلمك / كلمه / كلمها/
كلمهم / كلمكم / كلمنا

111. البدايات / الفواتيح:

"إس / إت / إن"

إستفهم / إستقبل / إستخبا

إتنصف / اتفضل / إتنور

إنكشفو / إنصرفو / إنكتبو

112. النهايات / الخواتيم:

ش / ن / ان / هه / ي / جي / لي.

113. تصريف بالشقلبة : šaKlaba

قلب وتبديل الحرف اللي من مخرج صوتي واحد
سجرة / شجرة - سقارة / صقارة - فرق / فلق - منكن /
ممكن - فرش / برش - نطق / نطج - يرتقال / يرتكان -
قبلي / جبلي - قادر / غادر - جون / جول - جيش / ديش
- جرجا / دردا - سوهاج / سوهاد.

114. تصريف بهروب الشقلبة (زحلقة)

قلب وزحلقة الحروف من أقرب مخرج صوتي
القاف مع الهمزة، والحه مع الخه والعين مع الغين

قول/ ءول - قليل/ ءليل - نفح/ نفخ - عيار/ غيار

115. تصريف بالخفنة: lahfanah

قلب وتبديل مكان الحرف

جوز/ زوج - أرناب/ أنارب - تموين/ تومين - معالق/
ملاعق - نلبط/ خلبط/ خربط.

116. تصريف بأكل الحروف:

مش-سامع = مس-سامع / خود-كومك =
خوك-كومك / شيل-روحك = شير-روحك / عبد
الحليم = عبهليم / عبد العزيز = عبعزيز / عبد الحميد =
عبحميد / سلامو عليكو = ساموليكو / حضرة الظابط =
حظابط.

117. تصريف بالتصغير:

الطفل: نونو/ صغنن ..نخ.

118. أدوات تصغير:

حبة/ حطة/ شوية.

119. كُنَايَات kenayat

بنستخدم كُنَايَات ف كَلَامِنَا يَعْنِي بنعبر عن حَاجَة بِحَاجَة تَانِيَة
شَغَال بِدِرَاعِه = مَلُوش وَظِيفَة سَابِتَة.

120. جَنَاس genas

كَلِمَتَيْن بِنَفْسِ الْحُرُوفِ، وَيَكُون لِهْم مَعَانِي مُخْتَلِفَة:
كُوسَا = نَوْع مِّنَ الْخَضَارِ / كُوسَا = تَمْيِيز أَوْ رَشُوعَة.
121. الْبَدَايَة بِالرَّقْمِ:

أَوَّل هَام / تَانِي حَاجَة / تَالَت شَارِع / رَابِع دُور.

122. الْأَدَوَات لِلرِّبْط وَالظُّبْط: rabt & zabt

كُل الْأَدَوَات وَالضَّمَايِر -الِي سَبَق شَرَحْهْم- وَظِيفَتِهْم
الرِّبْط وَالظُّبْط، رِبْط وَظُّبْط الْجُمْلَة، زِي أَدَوَات الْعَامِل
وَالْفَلَّاح وَالصَّنَائِعِي وَالطَّبِيب وَالْمُدْرَس وَالْمُهَنْدَس، كُلْهَا
وَسَائِل مُسَاعَدَة لِتَسْهِيل الْعَمَل، وَاخْتِصَار الْوَقْت
وَالْمُجْهُود. الْأَدَوَات فِ اللُّغَة بِتَسَاعَد فِ تَمَاسِكِ الْجُمْلَة وَسَهُولَة
تَوْصِيلِ الْمَعَانِي!

تسمية بعض الأدوات بأسماء مخصوصة (سؤال/ وصل/
 إضافة/ استعجاب/ تنبيه/ شكر/ شتم/ تحديد/ تبشير ..
 نل)، مجرد تصنيف، إنما أصلها كلها للربط والظبط، يعني
 نقدر نسميها كلها أدوات ربط وظبط!!

حتا الأدوات، اللي ييسموها ف العربي "أدوات جر"، ف
 المصري بنسميها بارضو أدوات "ربط وظبط"، لأن

	
Gardiner's list codes	
i9	
Translation	Horned viper (Cerastes cerastes)
Transliteration	fy
Grammar type	Noun
Translation	He, him, his, it, its
Transliteration	f
Grammar type	Suffix pronoun
Translation	To

مفيش حاجة ف اللغة المصري
 اسمها "أدوات جر"، ولأن
 الأدوات عندنا لا بتجر ولا
 بتفتح، ولا بتكسر ولا بتنصب!
 عندك الأداة "في" اللي ف الغالب
 بننطقها من غير الكسرة "ف"،
 بنلاقي أصلها ف المصري للربط

والظبط، بترسم برمز شكل الأفعا أم قرنين (الطريشة)
 عشان صوت فحيحها:

ف الجون = it goal = filgoon/figoon = هدف

ف الجون = to goal = filgoon/figoon = هدف

123. تحويل كل صوت لحرف:

كتابة كل أصوات الحروف/ نكتب زي ما بننطق.

124. الحروف السنانية:

المصري مبيطلعش لسانه ف نطق الحروف, وعنده إن
تطليع اللسان عيب, والفكرة دي اتأسست عنده نتيجة إنها
كانت الوسيلة للتفريق بين المصري والأجنبي!
عشان كده المصري يحول نطق حروف الثاء والظاء
والذال النبطي العربي لحروف مناسبة لعاداته اللغوية!
الطاء, بتتحول لـ (ت) زي (تعلب), أو لـ (ط) زي
(أطر), أو لـ (س) زي (حديثس), أو لـ (ص) زي
(صقة), وحرف الظه بيتحول لـ (ض) زي (نضارة),
وكمان احتفظ بيه بس من غير تطليع اللسان, زي
(ظابط), أما حرف الـ (ذ) فحول لـ (د) زي (جدر),
أو احتفظ بيه من غير تطليع اللسان, زي (محاذير)!

125. اقتراح حروف خاصة, وأسامي الحروف:

(1) a	آه (أ)	
(2) ä	آه (أ)	
(3) ā	بدل الفتحة ومد الآه	
(4) i	بدل الكسرة ومد اليه	حروف
(5) y	يه (ي)	كتابتة
(6) C	عين (ع)	اللغة
(7) b	به (ب)	المصري
(8) f	فه (ف)	
(9) V	في (ف)	
(10) w	واو (و)	32 حرف
(11) o	بدل الضمة ومد الواو	
(12) m	ميم (م)	حسب
(13) n	نون (ن)	النطق الحالي
(14) r	ره (ر)	وقريب من
(15) h	هه (ه)	القديم
(16) ħ	حه (ح)	
(17) ĥ	خه (خ)	
(18) ħ	عين (ع)	
(19) s	سين (س)	سامي حرك
(20) š	شين (ش)	
(21) š	صا (ص)	برمبات 6265
(22) K	كا (ك)	
(23) K	قا (ق)	
(24) g	جا (ج)	
(25) j	جي (ج)	
(26) t	ته (ت)	
(27) t	طه (ط)	
(28) t	تش (ث)	
(29) d	ضه (ض)	
(30) d	دبت (د)	
(31) z	زه (ز)	
(32) z	ظه (ظ)	

- آه a

- آه ä

- بدل الفتحة ومد الآه ä

- بدل الكسرة ومد اليه i

- يه y

- عين c

- به b

- فه f

- في v

- واو w

- بدل الضمة ومد الواو o

- ميم m

- نون n

- ره r

- هه h

-	هـ	هـ	-
-	هـ	هـ	-
-	هـ	هـ	-
-	س	ش	-
-	س	ش	-
-	ك	ص	-
-	ك	ص	-
-	ت	ج	-
-	ت	ج	-
-	ط	ض	-
-	ط	ض	-
-	ز	ظ	-
-	ز	ظ	-

طريقة كتابة الحرف النبطي

لغاية ما يحصل اتفاق علا حرف كتابة خاص
 بالمصري، مضطرين نكتب بالحرف النبطي
 (العربي)، لأن ده الحرف اللي المدارس بتعتمد
 عليه ف كل مراحل التعليم، وف نفس الوقت هوه
 الحرف الرسمي للمعاملات الرسمية، حسب الدستور

والقوانين، وكان يساعد ف استمرار وسهولة التواصل

مع محيطنا الحيوي من الشعوب المجاورة!

أنا معنديش حساسية ولا مشكلة خالص ف الكتابة

بأي حروف، لأن كل الحروف اللي عندنا دلوقتي

من أصل مصري، اللاتيني والنبطي، وغيرهم!

• كان الكتابة بالحروف مجرد وسيلة للتسجيل،

يعني مش هدف، عشان كده كل ما تكون

الوسيلة دي سهلة وبسيطة ومعروفة، كل ما

تحقق وظيفتها بشكل أحسن!

• بس كان، لازم الحرف اللي نختار نكتب بيه

يكون مناسب للتعبير عن اللغة بكل أصواتها!

• ف نفس الوقت احنا مش متقيدين بقواعد اللغة

الي بنكتب بحروفها، فلو بنكتب بالحرف

اللاتيني، يبقا ملناش دعوة بقواعد اللغة اللاتيني

أو حتا اللغات الي بتنكتب بيها، زي الانجليزي
ولا الفرنساوي ولا الألماني ولا الإيطالي ولا
أي لغة غيرهم!

- نفس الحكاية مع الحروف النبطي الي معروفة
دلوقتي بإسم الحروف العربي، بارضو ملناش
دعوة خالص بقواعد العربي، وبالذات العربي،
لأن المفاهيم لسه مشبكة بين العربي والمصري!
- ف نفس الوقت الي بيكتبو أعمال درامية
(مسلسلات/ روايات/ مسرح/ شعر/ أغاني ..
نلح)، محتاجين دليل لطريقة كتابة اللغة المصري
بالحرف النبطي، عشان نقرب الكتابات من
بعضها، وبكده نسهل عالي بيقرأ كلام أو ترجمة
مكتوبين بالمصري!

• مع ملاحظة، إن كل كاتب حر، يختار أو يبتكر

طرق جديدة، ممكن نستفيد منها كلنا!

• كمان اللي يحب ميطلبش بعض القواعد لتقليل

الإستغراب، مفيش مشكلة، لأن كل عمل فني

أو أدبي ممكن يكون له ظروف خاصة، المهم

التغيرات دي متكونش كتير، وميقاش فيها

تنازل عن أساسيات قواعد اللغة المصري.

1. واو الجمع: بنكتبها من غير ألف (كتبو/ سألو/

عملو/ قالو/ لعبو/ فهمو .. نلخ)، وبنحاول نخليها

الأساس ف التعبير عن الجمع (عليكم/ عليكمو -

معاكم/ معاكمو - عندكم/ عندكمو .. نلخ).

2. أدوات التحديد: ده - دا - دي - دول،

ونلاحظ إن استخدام أداة التحديد (ده) بالهه،

ف الغالب بتكون للعاقل القريب، وأداة التحديد

(دا) بالألف, ف الغالب بتكون للحاجات
البعيدة, مع وجود تصارييف وتناويع لكل أداة
-حسب اللهجات المصرية- يعني الأداة (ده)
ممکن يتصرف منها (دهوه) والأداة (دي)
ييتصرف منها (دهيه) وأداة الجمع (دول)
ييتصرف منها (دولي/ دولت/ دوله/ دولم/
دولن/ دولهمه/ دوكلهمه)!

3. الضماير: هوه - هيه (مفرد) - هوما (جمع)/ أنا
- أني - اتنا - انتي (مفرد) - انتو (جمع)!

4. الألف الصريحة: بدل الألف المقدرة أو
الإعتبارية, اللي مفروضة علينا من قواعد اللغة
العربي, رغم إني بعتبرها من أمراض الكتابة
العربي, يعني واجب العربي نفسه يتخلص منها,
وعالعموم مفيش أي داعي إننا نلتزم بأمراض

قواعد غيرنا, بننطق (يحيى / هدى / منى)
بالألف, يبقا نكتبهم بالألف, ونكتبهم زي
مبننطقهم (يحيى/ هودا/ مونا)!

5. لزق الأدوات: فيه طريقتين لكّابة الأدوات
المرتبطة بالكلمة, طريقة عادية (كلاسيكية)
نفصل فيها الأداة عن الكلمة, عشان نحافظ
عالكلام ويبقا سهل معرفة أصله (مابجيش/ ع
الماشي), وطريقة فرضت نفسها ف الشارع وف
مواقع التواصل, ضم ولزق بعض الأدوات مع
الكلام, زي (ما) اللي بدل مبتنكتب (ما
بعرفش/ ما تعرفش) بقت تنكتب (مبعرفش/
متعرفش), و(ع الماشي) اللي بقت بتنكتب
(علماشي) الحقيقة أنا منحاز للطريقة الأخيرة
دي, لأن الواقع سبقنا ونلخصها, ويبقا فرضها

علينا، إنما أي كاتب يقدر يحتفظ بالطريقة
الكلاسيكية، مفيدش مشكلة!

6. التضعيف: مشروح في القاعدة رقم (106) ف
(ملخص القواعد)، بنكر الحرف (ضريب/
حسيب / حبيب) بدل علامة الشدة العربي،
لأن حسب أول قاعدة رقم (1) إن الكتابة
بالمصري (مفهاش تشكيل)، زي معظم اللغات
الجديدة المتطورة (الانجليزي / فرنساوي)، اللي
بتبدل علامات التشكيل بحروف، اختصار للجهود
والوقت، لأن التشكيل وسيلة قديمة (بدائية)، وف
التطبيق كل الناس بتهملها وبتسيبها، ومحدث
بيهتم بالتشكيل غير المصححين المحترفين، رغم
كده، يعني، ورغم إن التضعيف بتكرار الحرف
من القواعد الأساسية، إنما لاحظت إن شوية

من المبدعين اللي بيكتبو بالمصري يخافو من نفور
وإستغراب اللي بيقرأ, ف يشكلو الحرف
المتضعف بالشدة, أنا فاهم إن الحكاية محتاجة
وقت لغاية الناس متعود, ولغاية ميحصل ده,
أنا وناس كتير من حراس الهوية المصرية
هنفضل نطبق الطريقة دي وملتزمين بالقاعدة
بتاعتها, واللي مش هيقدر عذره معاه, مفيش
أي مشكلة!

7. الربط بالميم: أدوات الربط (م / من), دول
أداتين اتنين للربط, مش حاجة واحدة
واختصارها, عشان كده ف الكتابة لازم كل
أداة منهم تاخذ مكانها الطبيعي, يعني جملة زي:
(من هنا وجاي) الأداة (من) أساسية ف
الجملة, إنما جملة زي: (خد م التل يخلت), بارضو

الأداة (م) أساسية ف الجملة المصري, ولازم
تكتب لوحدها لأنها أداة مستقلة ومش
إختصار لـ (من), أو حتا لو هيه اختصار
(من) خلاص بقا لها شخصية مستقلة!

8. الجملة المصري - ف كل الأحوال- جملة إسمية,
بتبدأ بالإسم/ الفاعل!

9. أداة الربط (في): موجودة ف كل مراحل
المصري بداية من الهيروجليفي, مفيش مشكلة لو
كتبناها (في) زي الكتابة العربي, إنما الملاحظ
إن نطقها الكامل نادر ف كلامنا, والغالب إننا
يادوب بننطق الفه بس (ف الدولاب/ ف
المدرسة/ ف الملعب ..نلخ), عشان كده بقتراح
إن كتابتنا تكون كلها بالإختصار (ف) إلا لو
سياق الجملة محتاج نعبر عنها بالكامل (في),

وللعلم الإيتين موجودين مستقلين ف الهيروجليفي,
يعني ممكن نسيب دي لقرار كل واحد من
الكتاب (الكتبة/ الكتبية)!

10. حرف القاف: دا حرف أصلي ف

الهيروجليفي, ولسة نطقه موجود بس قليل ف
مناطق من محافظة كفر الشيخ, إنما الأغلبية
غيرت نطقه لهمزة ف الوجه البحري, وجيم ف
الوجه القبلي والشرقية وغيرهم, عشان كده
بفضل إننا نوحّد طريقة الكتابة بالقاف, بإعتبار
إن ده أصلها من مراحل كتابة اللغة المصرية
القديمة, بس تبقا اختيارية للكاتب للتعبير عن
اللهجات, لو ده مهم للإعلان عن الهوية المحلية!

11. حرف الله: ده من الحاجات الأساسية اللي

لازم نستبعدها من كتابتنا, لأنها مش موجودة

خالص ف كلامنا المصري, لا القديم ولا
الجديد, والخواجات ترجمتهم اثارث بالقبطي
الي متأثر باليوناني, يعني الحرف t الي بيترجموه
(ث), المفروض يتصرف ل (ت/ ط/ س/
ص) بالظبط زي مبصرفه ف كلامنا الحالي,
يعني نقول ونكتب (تلاجة) بدل (ثلاجة),
ونقول ونكتب (أطر) بدل (أثر), ونقول
ونكتب (أمسال) بدل (أمثال), ونقول ونكتب
(صقافة), بدل (ثقافة), ولو حس الكاتب إن
الطريقة هتعمل نفور أو استغراب ممكن يحط
الكلمة المعروفة بين قوسين, يعني زي: الصقافة
(الثقافة) العامة!

12. الهمزة: ف آخر الكلمة, نادر لو نطقها
المصريين, والغالب اننا بنقف عند الألف, يعني

ف الأسماء: (ضياء / ضيا - لمياء / لميا - سماء /
سما .. نلخ), وف الألوان, بنبدل الهه مكان
الهمزة: (بيضاء / بيضه - حمراء / حمره - سوداء /
سوده - سمراء / سمره - خضراء / خضره -
صفراء / صفره - زرقاء / زرقه), وف حالة الجمع,
بنحوها ل (يه) أو (واو), زي: (ملئان / مليون -
سماءات / سماوات - أسماء / أسماء - خائف /
خايف), بس نلخي بالننا إن نطق الهمزة ف أول
الكلمة, من أصول كلامنا: (أحسن / أكثر / أنخم
.. نلخ) ونفس الحكاية ف الأسماء: (أحمد /
أكرم / أمجد .. نلخ), كمان فيه كلام مصري أصلي
قايم ع الهمزة, وأشهر نموذج منها كلمة: (مأأ)
مأأ عينيه, أهى دي مكتوبة بنفس الشكل
والنطق بالهيوجيلفي ومش موجودة خالص ف

العربي، وكان كلمة (أوي) أداة الزيادة، كلمة
مصرية أصلية من مرحلة الكتابة الهيروجليفي،
وكتير بيفتكرو إن أصلها (قوي) وحاصل بالفعل
خلط جامد بين الكلمتين (قوي / أوي)، ويمكن
يكون سبب الخلط وجود لهجة بتنطق الكلمتين
بالجيم (جوي)، إنما الهمزة بتنصرف مع الجيم،
زي القاف بالتام، حسب القاعدة رقم (112)
هروب الشقبة، وممكن من سياق معنا الجملة
نقدر نفرق بين الكلمتين: لعب قوي أوي!

13. بارضو: أداة مطابقة واستمرار، زي (أيضاً) ف

العربي، و(also) ف الإنجليزي، بس فيه
اجتهادات كتير من اللي بيكتبو بالمصري، بتغير
من شكلها (باردو/ باردوه/ برضه/ برضوه)،
رأيي إن لو التزمنا بقانون القاعدة (121):

"نكتب زي ما بنطق" تبقا "بارضو" أقرب حاجة, إنما أدينا بنقول القاعدة للعلم, ونبقا نسيب اختيارات كل كاتب للتعبير بأسلوبه عن النص اللي بيقدمه!

14. لسه: دي أداة كجالة, مع (كان), بس (كان) مفيش اختلافات حوالين طريقة كتابتها, إنما (لسه) ساعات تنكتب بالته المربوطة (لسة), وساعات تنكتب بالألف (لسا), والحقيقة إن كتابتها بالهه (لسه) أقرب للأصل الهيروجليفي, وكان أقرب للنطق الحالي!

15. نون التوكيد: دي بقا ممكن تعمل مشاكل واستغراب, وتجب تعليقات مستفزة من اللي متمسكين بقواعد العربي, عشان كده نخليها اختيارية, حسب كل حالة (ولو مؤقتن), بس

الصح الي واجب نعرفه, إن حسب قواعد اللغة المصري النون الي ف آخر الكلمة من أساس قواعد المصري, وسيلة توكيد مشروحة هنا ف القاعدة رقم (61), ومشروحة ف أول جزء من كتاب بنتكلم مصري, مع أدوات التأكيد قاعدة رقم (112), يعني مش مجرد وسيلة تشكيل أو إعراب زي العربي, وبكده نقدر نكتب: (شكرن - جدن - فعلن - حالن - فورن .. إلخ)

16. النون والله مع بدايات الأفعال: دي بارضو استعمالنا ليهم فيه لخبطة (عشوائي), يعني مرة نقول (تتكتب) بالنون, ومرة (تتكتب) بالله, وعشان منتحيرش, ناخذ من قواعد اللغة المصرية القديمة, الله (ت) للمفرد, والنون (ن) للجمع, وبالتكرار هنتعود نوظف كل حاجة ف

مكانها المناسب (تضرب/ تتضرب - تنفتح/

تنفتح - تنقري/ تتقري .. نلخ).

17. الله المربوطة: جوه الجملة, يعني (ربة البيت/

أستاذة الكيمياء/ مدربة التنس/ لعبة الكورة

.. نلخ), ف كل حالات الأسماء والصفات دي

لازم نكتب الله مربوطة, رغم إننا بارضو

بننطقها هه, لو وقفنا عندها, طب إمتا نقدر

نكتبها بالله المفتوحة؟ ف حالة كتابة الأدوات,

زي: (بتاعت/ بقت/ دولت .. نلخ).

دول أهم الحاجات اللي لاحظت إنهم محل اختلافات

بين كتاب ومبدعين ف الكتابة المصري بالخط النبطي.

فهرس

2	مقدمة
7	1. مفههاش إعراب:
7	2. لغة تحليلية:
8	3. بتميل للتبسيط:
9	4. فيها كلام من حرف واحد ومن حرفين:
9	5. فيها جملة بسيطة، وجملة متركبة:
10	6. بتعتمد ع الجملة الإسمية:
10	7. المصدر إسم:
11	8. الأدوات والضمائر، مفرد أو جمع:
11	9. جمع واوي، (و) ف آخر الكلمة:
11	10. جمع واوي، (و) ثاني حرف ف الكلمة:
12	11. جمع وياوي، (وي) ف آخر الكلمة:
12	12. جمع همي، (هـ) ف آخر الكلمة:
12	13. جمع تيتي، (ت) ف آخر الكلمة:
12	14. جمع ييني، (ين)، ف آخر الكلمة:

- 12 15. جمع آني (ان) ف آخر الكلمة:
- 12 16. تذكير جمع المؤنث، وتأنيس جمع المذكر:
- 12 17. جمع مبالغة:
- 12 18. جمع تكرار:
- 13 19. بمجبة الأسامي والتحيات:
- 13 20. الماضي المستمر، مع إن:
- 13 21. الماضي المستمر، مع (إت):
- 13 22. الحاضر المستمر، مع (ب):
- 13 23. تحويل الحاضر المستمر لماضي مستمر:
- 13 24. أفعال مساعدة:
- 14 25. أفعال مترتبة:
- 14 26. أفعال مضمومة:
- 14 27. النفي بأداتين:
- 14 28. النفي بأداة واحدة (مش):
- 14 29. النفي بأدوات مترتبة:
- 15 30. أدوات الإضافة:
- 15 31. أدوات مقارنة:

- 15 32. التفضيل مع الهمزة:
- 15 33. التفضيل مع "واللا":
- 15 34. التفضيل بالتكرار والجمع (صيغ مبالغة خاصة):
- 16 35. أدوات تخير:
- 16 36. أداة الوصل (الي):
- 16 37. جملة الوصل المستمر:
- 16 38. وصل المجموع بالميم، من غير الي:
- 16 39. أدوات تخصيص:
- 17 40. أداة غموض وتقفيل:
- 17 41. الحلفان بالواو (و):
- 17 42. أدوات تحديد (إشارة):
- 18 43. تكرار أدوات التحديد للتأكيد:
- 18 44. سؤال الإستفهام:
- 18 45. سؤال عن السبب:
- 18 46. سؤال عن الوقت:
- 18 47. سؤال عن المكان:
- 19 48. سؤال عن القيمة:

- 19 49. سؤال عن إنسان:
- 19 50. سؤال عن حاجة ضايعة:
- 19 51. سؤال الصيغة:
- 19 52. سؤال الظرف:
- 20 53. أدوات الجواب:
- 20 54. أدوات الرأي:
- 20 55. أداة صقة (ثقة) مستمرة:
- 20 56. أدوات احتمال:
- 20 57. أدوات شبه:
- 20 58. أدوات مطابقة واستمرار:
- 21 59. أدوات كمال:
- 21 60. أدوات تأكيد:
- 21 61. نون التوكيد (التأكيد):
- 21 62. أدوات تسبيب وتبرير:
- 21 63. أدوات نسب:
- 22 64. الوصف الحر:
- 22 65. الوصف المتحدد:

- 22 66. أدوات نده (ندا):
- 22 67. أدوات نجدة (نجدا):
- 23 68. أدوات تباشير:
- 23 69. أدوات كفاية:
- 23 70. أدوات تنبيه (تحذير):
- 23 71. أدوات ترجية:
- 23 72. أدوات تمني:
- 24 73. أسلوب الأمر بالأداة "ما":
- 24 74. أدوات دلالة (استدلال):
- 24 75. أدوات شكر:
- 24 76. أدوات زيادة:
- 25 77. التعبير عن الزيادة بالتكرار:
- 25 78. أدوات استعجال (أوام)
- 25
- 25 79. الدلع ع الوزن سجوم:
- 25 80. الدلع ع الوزن سجومه:
- 25 81. دلع ديني ع الوزن سجومه:

- 26 82. دلح الأسامي بمعاني من اللغة المصري:
- 26 83. دلح بأداة الإستعجاب والإستحسان "يا":
- 26 84. صيغة المبالغة للفرد، ع الوزن "سجيم":
- 26 85. صيغة المبالغة للجمع، بالوزن "سجيمة":
- 26 86. الشتيمة بأسامي الحيوانات:
- 26 87. الشتيمة بأسامي الحاجات:
- 26 88. الشتيمة بأوصاف عيب:
- 27 89. الشتيمة بأعضاء من الجسم:
- 27 90. من أشهر الشتائم:
- 27 91. أدوات وجع:
- 27 92. تریأة وسخرية بتقلید الحركات
- 27 93. تریأة وسخرية بتقلید الأصوات
- 27 94. تریأة وسخرية بالتشبيه:
- 27 95. أدوات استعجاب واستحسان:
- 27 96. أدوات عتاب:
- 28 97. أدوات أسف:
- 28 98. أدوات شرط:

28	99. تعابير شرط:
28	100. أدوات متابعة واستمرار:
28	101. أدوات تصبير:
29	102. أدوات ظرف المكان:
29	103. أدوات ظرف الزمان:
29	104. الظرف الوصفي:
29	105. التعريف بالأدوات:
29	106. تعريف بالسياق:
29	107. أدوات مترتبة "حاکم":
30	108. التضعيف بتكرار الحرف:
30	109. ضمائر حرة:
30	110. ضمائر مربوطة:
31	111. البدايات / الفواتيح:
31	112. النهايات / الخواتيم:
	113. تصريح بالشقبة :
	31
31	114 تصريح بهروب الشقبة

32	115. تصريف بالخفنة: lahfanah
32	116. تصريف بأكل الحروف:
32	117. تصريف بالتصغير:
32	118. أدوات تصغير:
33	119. كنايةات kenayat
33	120. جناس genas
33	121. البداية بالرقم:
33	122. الأدوات للربط والظبط: rabt & zabt
35	123. تحويل كل صوت لحرف:
	124. الحروف السنانية
	35
36	125. اقتراح كتابة اللغة المصري بحروف خاصة:
37	طريقة كتابة الحرف النبطي

